

Powšitkowne WOZJEWJENJA

njedźelu, 9. awgusta 2015

Marije donjebjeswzaća w Róžeńće

Serbskorěčna Boža mša na swjedženju swjateje Marije donjebjeswzaća sobotu, 15. awgusta, w Róžeńće budže w 9 hodź. Němskorěčne putniske kemše budu potom w 10.30 hodź. (hlej pokiw pódlu). Wšitcy wěriwi su wutrobnje přeprošeni.

Zelowy swjedzeń a nóc swěčkow w Klóštrje

W klóšterskej zahrodze w Pančicach-Kukowje je njedźelu, 16. awgusta, tradicionelny zelowy swjedzeń. Ekumeniski nyšpor w 14.30 hodź., na kotrymž so zelowe kwěcele požohnuja, změjetaj Kulowski kapłan Michael Noack a ewangeliski farar Matthias Monz z Kulowa. Rjadniske sotry Božu službu sobu wuhotuja. Tež zelowe wiki so popołdnu přewjedu. Dzeń do toho, na swjedženju swjateje Marije donjebjeswzaća sobotu, 15. awgusta, wotměje so w klóšterskej zahrodze wot 19 hodź. nóc swěčkow.

Zetkanje samostejacych w Smochćicach

Samostejacy ze serbskich wosadow su na swoje přichodne zetkanje wutoru, 1. septembra, w 14 hodź. do Domu biskopa Bena w Smochćicach přeprošeni. Zajimcy njech so prošu hač do srjedy, 26. awgusta, w redakciji Katolskeho Posoła přizjewja, telefonowe čisło (0 35 91) 55 02 12. Štóž chce wotewzaty być, njech to prošu zdžěli.

Wulět serbskeje dekanatneje młodžiny

Lětuši wulět serbskeje młodžiny budže njedźelu, 6. septembra, do Slepoho a Błótow. Bus wotjědže w 10.30 hodź. na farskim dworje w Chróscicach. Wón pozastanje w 10.40 hodź. w Ralbicach před faru a w 10.50 hodź. w Kulowje na torhošću. Přizjewjenja přijimuju so hač do štwórtka, 27. awgusta, w Dekanatnym dušepastyrstwe we Worklecach, telefonowe čisło (03 57 96) 9 55 95. Pozdžiše přizjewjenja njejsu hižo móžne. Wšitcy serbscy młodostni su wutrobnje na zhromadny wulět přeprošeni.

Putnikowanje na swjedženju swjateje Marije donjebjeswzaća do Różanta

Konwent cistercienskow klóštra Marijineje Hwězdy přeprošuje na swjedženju swjateje Marije donjebjeswzaća sobotu, 15. awgusta, na putnikowanje do Różanta. Składnostnje wot bamža Franciskusa wuwolaneho Lěta rjadow budu knježny z druhimi rjadnikami a wšitkimi zajimowanymi wěriwymi Róžeńčansku mać Božu wopytać. Chcedža so džakować za powołanja powšitkownje a swoje cyle wosobinske, prosyć wo nowe rjadniske a měšniske powołanja kaž tež pokućić za njeprawdu rjadnikow, wo kotrejž je zjawnosć w zaštych lětach zhonila. Wšitcy, kiž bychu rady sobu putnikowali, zetkaja so we 8 hodź. z rjadnicami w klóšterskej cyrkwi w Pančicach-Kukowje. Němskorěčna Boža mša, kotruž změje farar Carl-Heinz Mertz z Berlina, budže w Róžeńće w 10.30 hodź. Kemšam přizamknje so zhromadny picknick, za kotryž měł kóždy putnik něšto sobu přinjesć. Putnikowanje zakónči so ze zhromadnym připołdnišim pačerjom. Dompuč z Różanta měł kóždy za sebje rjadować.